

inhonestâ Venere abstinendum est omnino. Honestam verò, qualis est conjugialis, quæ limitibus necessitatis & generationis circumscribitur, non solum non fugiendam, verum etiam amplectendam esse, recta ratio & sacra Scriptura monent. Legitimus autem Venereis usus est, 1. in speciei conservatione, 2. in foedarum libidinum propulsatione, 3. in morborum, qui ex retento semine oboriuntur, profligatione. Pro exemplo nimix abstinentiæ à Venere, à Theodoro Zwingero adfertur Origenes, qui sub Decianâ persecutione ad aram ductus, ut aut diis sacrificaret, aut ab Æthiope turpissimo, qui astabat, stuprum pateretur, maluit thus igni injicere quam castitatem perdere. Ea propter ab Alexandrinâ Ecclesiâ excommunicatus, in Judæam abiit, & illic in summa paupertate obiit. Hoc exemplum utrum satis sit accommodatum, alii judicent, mihi secus videtur. Pro coronide quæro: Quæ differentia sit inter castitatem & continentiam? Respon. Castitas est sine luctâ rationis & appetitus: Continentia verò semper habet conjunctam illam luctam; unde imperfecta virtus, & à Piccolomineo semi-virtus appellatur, græcis ἐνκράτεια.

Legitimus usus
Venereis, & legit
in p[ro]p[ri]o
3.
Exemplum
Abstinentiæ

~~~~~

### Cap. IX. De Autarcia.

Sic fuit Virtus moralis, quæ moderatur appetitum vegetativum: sequitur ea, quæ moderatur appetitum sensitivum, & quidem eum, qui est παθητικὸς, id est, secundum affectum.

2 Moderatur autem affectum vel gratiores, vel minùs gratum.

3 Gratiores, ut qui est vel desiderii, vel lætitiæ.